



ALTERNATIV DEMOKRATESCH  
REFORMPARTEI

Groupe parlementaire

Här Mars di Bartolomeo  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, den 18. Oktober 2017

Här President,

Sou wéi d'Chambersreglement et virgesäit, bieden ech Iech, dës parlamentaresch Fro un den Här Minister vun der Fonction publique weiderzeleeden.

Zënter Joren ass an all Budget eng substantiell Erhéijung vun der Zuel vun de Mataarbechter vu staatleche Ministären an Administratioune virgesinn. Dës déngt ganz sécher der Verbesserung vun de staatleche Leeschtungen am Déngscht vum Bierger, et ass awer och eng Politik, déi net ouni Konsequenzen op den Aarbechtsmaart ass, an déi och eng Rei vu budgetären Implikatioune huet.

Dowéinst wollt ech dës Froen un den Här Minister fir déi öffentlech Fonctioun stellen:

1. Wéi huet sech d'Zuel vun de staatleche Mataarbechter pro statutarescher Kategorie, pro Joer a pro Ministär, respektiv Administratioun, vun 2010 bis 2017 verännert ?
2. Wéi ass déi Entwécklung, no deene selwechte Kritären, bei den öffentlechen Etablissementer?
3. Wéi e prozentualen Impakt hunn déi staatlech a para-staatlech Rekrutementen op den nationalen Aarbechtsmaart (esou wéi den Terme vum Statec gebraucht gëtt), opgefächert no Bildungsniveau?
4. Wéivill Ausländer schaffen am Abléck beim Staat, a wéi enge Funktiounen a vu wéi engen Nationalitéiten?
5. Wéi eng Implikatiounen op de Staatsbudget haten an hunn déi Entwécklungen?
6. Huet d'Regierung eng Virstellung doriwwer, wéi grouss dee staatlechen an dee para-staatleche Secteur solle maximal wuessen, fir och weiderhin

e qualitativ héichwäerteg Rekrutement am private Secteur kënnen ze erméiglechen?

Mat déiwem Respekt,

A handwritten signature in black ink, consisting of a stylized 'F' followed by a long, sweeping horizontal line that curves slightly upwards at the end.

Fernand Kartheiser  
Deputéierten